



## Corono manijooshens aakoziwin (COVID-19)

Wiindamaagewinan gewe agaa bibaayaajig bagijiyawaad newen biindigeng nigaasijigewinan, gibaakodizing nendowendaagwog, miinwaa nda'gikenjige nendaowendaagwog.



**WIINDAMAADIWIN:** WEWENI GINDAN MAANDA ZHIBIIGEWIN. DIGOSINON WIINDAMAAGEWINAN OWA GIBAAKODIZIYIN NAAGAANZID MIINWAA ZHAABWAACHIGED NAAGAANZID NENDOWENDAAGOZIIYIN AWII NAKWESHKMAN ZHIWE OWI NIIZAANZIWIN OWI COVID-19 ZHINDA GAANADA NAANKIGEWIN (GIBAAKOGOWIN, NJIKWE AWII YAAWIN MIINWAA YAA-AABI AANIN NENDOWENDAAGWOG). NEWEN ONAAKINIGAN DIKOBIIJIGEMIGADON MAANDA GIMAAKIDAAGEWIN.

Gdo naagijigewin owi Inaaknigewin ada naagazowaabmjigaade, gagwekwenjigaadeg miinwaa gagaandinigaadeg. Giishpin bwaa naagidowin naaknigewin gnimaa gdaa maajiinigo gibaakoge gamig, dibagego, miinwaa/maage gibaakodii gamig gdaa zhaa.

GNOWENDAN MAANDA ZHIBIIGEWIN AWII GINOWAABMDAMAN ANI MIDAASWI SHI NIIWIN GIIZHIGAG BIMESEMIGAG.

### Gimaa Gamig maampii Gaanada

Owa Gichi Gimaa maampii Gaanada agii maajitaatoon gichi niizaanag naaknigewin awii nazhibijigaadeg owi bigamsemigag miinwaa sweshkaamigag owi COVID-19 miinwaa bkaan ezhinaagwog aakoziwin maampii Gaanada. Bebaayaajig abi digoshnajib Gaanada aabdeg ada nakweshkaanaa-aan nendowendaagokin zhiwe owi *Naazhinigaadeg owi Niizaanziwin owi COVID-19 zhinda Gaanada Naankigewin (Gibaakogowin, Njikwe awii Yaawin miinwaa Yaa-aabi aanin nendowendaagwog).*

Agii miingo bagijiyawaan owi gibaakodiziyin miinwaa abi digoshinan nda'gikenjigewin maanda Inaakinigewin. Gdo miigsewin owi bagijiyawaan ada debwechigaade ensa apii gwa biindigewin Gaanada. Gdo naagidowin ninda nendowendaagwog ada gnowaabmjigaade awii gagwekwenjigaadeg miinwaa gagaandinigaadeg.





**Nendowendaagwog gewe e’bagijiyaawaad bebaayaajig midaaswi shi niiwin giizhigag shkwaabiindigewaad.**

<p>Biiskan weweni e’zhichigaadeg, menkigaadeg gabiingwegan giishpin yaawin e’maadokiwin aajikinigan.</p>	<p>Naagzowaabmdizan newen COVID-19 inamjiwinan Zhibiigaadeg newen inamjiwinan adaa makigaadenon odi <a href="https://www.canada.ca/en/public-health/services/diseases/2019-novel-coronavirus-infection/symptoms.html">https://www.canada.ca/en/public-health/services/diseases/2019-novel-coronavirus-infection/symptoms.html</a></p>	<p>Minadendan owi bemaadizijig mina yaawin giikimigewin miinwaa wiindamaagewinan odi awaa bebaayaawin.</p>	<p>Gnowendan zhibiigan agaa abi nibwaachewin miinwaa besha agii yaa-in bemaadizijig, e’digosing owa bemaadizid dinoziwin miinwaa waazhi debinigaazad.</p>
<p>Giishpin maajitaamigag wegwen gwa inamjiwinan gagwech yaawong owi COVID-19, nda’gikenjigewin debwemigag yaaman COVID-19, aabdek gwa wewiib:</p> <ul style="list-style-type: none"> <li>Njike yaan midaaswi giizhigad minik, boochigo giishpin owi kiins maage waasa wekamig yaawin ayaang woshme nondaach njike yaawin minik e’yaamiwaad.</li> <li>Wiindamaagen biinji 24 hours owi PHAC giigidawin 1-833-641-0343. Owi Mina Bimaadiziwin Nakiiwin maampii Gaanada ogimaa aga miinig aanke zhibiiganan miinwaa wiindamaagewinan.</li> <li>Giigidan owi maagsemigag mina bimaadiziwin naagaanzid.</li> </ul> <p>Gibaakodiziyin maajitaamigag memaanji wiiba owi:</p> <ul style="list-style-type: none"> <li>giisis gagii’ machii miikwendaman akoosiiwin, MAAGE</li> <li>giisiis apii gagiishii’ nanadokiikeniiimigoyaan, MAAGE</li> <li>giisis anapii gagii odapiinaman COVID nanadokiikenchiigewin, giishpin giisis mayaam iishiinagook nanadokiikenchiigatek, MAAGE</li> </ul>		<ul style="list-style-type: none"> <li>Owi apii agaa niizaanziiyin gwaya bkaan bemaadizijig (giishpin goweta bwaa yaaman inamjiwinan maage agii debinaziyin e’debwemigag nda’gikenjigewin makigewin)</li> </ul> <p>Giishpin agii dowendaagoziyyin awii miigwe-in COVID-19 nda’gikenjigewin makigewin apii abii digoshinan Gaanada, aabdeg gwii:</p> <ul style="list-style-type: none"> <li>gnowendan mazinaakizigaadeg owi COVID-19 nda’gikenjigewin agaa makigaadeg newen midaaswi shi niiwin giizhigad myaajitaamigag owi apii agaa biindigewin Gaanada, maage aanke midaaswi giizhigad giishpin maaji inamjiwiyyin maage debwemigag nda’gikenjigewin; miinwaa</li> <li>miigwen owi debiwewin, apii gagwejimigowin, wegwen gwa Gimaa Gamig maampii Gaanada maage kiinsing/waasa wekamig gimaa gamig naagaanzid maage owi gdo bemaadizijig mina bimaadiziwin nyaagdowendang odi yaawin</li> </ul>	



<b>Bamaadizijig mina yaawin naagaanzijig</b>	
<b>Kiinsan maage waasa wekamig</b>	<b>Giigido biiwaabikong gindaasowin</b>
British Columbia, Alberta, Saskatchewan, New Brunswick, Nova Scotia, Prince Edward Island, Newfoundland miinwaa Labrador, Northwest Territories miinwaa Yukon,	811
Manitoba	1-866-626-4862
Ontario	1-866-797-0000
Quebec	1-877-644-4545
Nanavut	1-867-975-5772

Dikobidegiwinan owi akiinsan/waasawekamig COVID-19 gikendamowin miinwaa nikaaziwinan adaa makigaadenon odi <https://www.canada.ca/en/public-health/services/diseases/2019-novel-coronavirus-infection/symptoms/provincial-territorial-resources-covid-19.html>

ID 04-38-E / EZHI GIIZHIGAG 2022.02.28